

۹ جمادی الاول سنه ۱۳۳۹

پنجشنبه

۲۱ شباط سنه ۱۳۳۴

صاحب امتیاز و مدیر مسئول حسن کاظم

ملت عثمانیه - امت اسلامیہ ایچون مفید اولان آثار
صحیفه لر من آچیقدر درج ایدلمیان اوراق اعاده ایدلمز.

اداره خانه - استانبول باب عالی جوارنده
ابوالسعود جاده سی نومروه ۷ اصحاب مراجعاته
هر ساعت آچیقدر

جہانگیر

شمذیلک هفته ده بر نشر اولنور

سر محرری : مصطفی فوزی

تاریخ تاسیسی ۱۳۲۷ سنه هجری

سنه لك اعتباريله ممالك شاهانه ایچون پشین
اوله رق ۵۰ التی آیلنی ۳۰ غروش وممالك
اجنبیه ایچون ۲۰ فرانقدر .

نسخه سی ۵۰ پاره در

تصوفی ، دینی ، اخلاقی ، ادبی ، سیاسی جریده اسلامیہ در

نومروه ۱۳۴

شرقه دوندن اعتباراً صلح و صلاح

عودت ايتدی ...

۱۱ شباط ۱۳۳۴-۱۹۱۸ ده ، روسیه مرخصلری ایله دول متفقۀ اربعه مرخصلری آره سنده عقد صلح ایدلدی... نهایت ، بالطق دکرندن قفقاسیا شواحق جباله قدر امتداد ایدن بیکارجه کیلومتر و لوق اوزون برجه بده طوب طراقه لری ، سونکو شاقیردی لری برینه آهنگ و صلاح سسلری قائم اولویور... شرقک کونشلی و حرارتلی آفاقنده طلوح ایدن صلح کولشک ، صلاح بخش ضیالری بشریت مضطربه نک یوزمیلیونلره بالغ اولان مهم قسمتی یکیدن ایصیده جق ، شرقده یکیدن فریخ و اندیشه سز برحیات باشلایه جقدر . بو خبرکار و معظم واقعه یی ادرک ایدن ملل و اقوامک سرور و شادمانییی بالطبع فوق العاده اوله جقدر .

روس انقلابی باش کوستر کوسترمن ، روسیه نک صلح عقد الیمی بر ضرورت حکمنه کیرمش ایدی . بر سنده نبری ، متعدد انقلابلر ، حرکتلر ایچنده بوجالایان روسیه ، نهایت او قرائینک مستقلاً عقد صلح ایتیمی اوزرینه واقع اولان وضعیت جدیده قارشیسنده صلحه یناشدی . روسیه ایله متفقین آره سنده صلحه مانع اولان یکانه جهت بعض اراضی مسئله لری ایدی . روسیه نهایت ، بویابده کی لزوم سز اصرارندن و از کچمش ، بونی تالی قومیسینلره حواله ایدره ک فعللاً صلح عقد ایله مش اولویور . روس اردولرینک ترخیصی و مناسبات سیاسییه و اقتصادیه نک باشلامسی بونک الک فعلی دلیلدر . صلحه دائر هنوز بک مفصل معلومات وارد اولمادیفی جهنله شیمدیلک بویابده دهها زیاده مطالعه سرد ایدیله من . مع هذا ، روسیه ایله عقد اولونان صلحک اهمیت سیاسییه و اقتصاد دیه سنی تشریح لزوم یوقدر ظننمیز . (له نین) حکومتی ایله در حال مناسبات سیاسییه و اقتصادیه نک باشلامسینه قرار ویرلمش اولمی بالخاصه حائر اهمیتدر . حرب عمومینسک ایکنجی منفرد صلحی اولان بوخالک یارین رومانیا یی ده منفرداً صلح عقدینه اجبار ایده چکی محقق عد ایدلک لازمکلیر . بر آلمان غزیه سنک دیدیکی کھی صلح جریانی ، حربدن اوصامش ، بی لزوم قان دوکسکدن آرتق قطعاً محبت اولمقده بولومش اولان ملتله آره سنده ساری برماهیقی حائردر .

بویوبوک و قعینی کال خلوص ایله سلاملارکن ، بزورکار و مسلمانلر ، بک درین بر محظوظیت حسن ایدیوروز . زیرا روسیه ایله صلح بزه هم فیوضات مسالقی کتیریور ، هم ده ، حربدن اول بر جوق قیود ایله بر نوع وصایت معنویه آلتنده بولونان دوات اید . متمیزک استقلال قطعیمسک پیام خیر بخشاشی تبشیر ایدیور ! ..

پترسبورغ حکومتی ایله مصالحه عقد ایدلدی

قوای عسکریه نک ترخیصی - مناسبات اقتصادیه و سیاسییه نک اعاده سی برست - لیتووسق ۱۰ شباط - بوکونیکی جلدده روس

هیئت مرخصه سی رئیس ، حکومتک امرینه توفیقاً شوتبلیف سنده بولومشدر : روسیه ، شکلی صلح معاهده نامه سی امضالامقدن صرف نظر ایتک شرطیله آلمانیا ، اوستریا - مجارستان ، تورکیا و بولغارستان ایله حال حربک نهایت بولدیغی و عینی زمانده بالجمله جبهه لرده کی روس قوای حربیه سنک دخی تمامیه و در حال ترخیصی ایچون امر ویرلمش اولدیغی بیان ایلر ، بوضعیتدن طولانی طرفین آره سنده دیپلوماسییه حقوقه ، اقتصادیه و قونسلوساغه عائد مناسباتک تعینی ایچون دول متفقۀ اربعه ایله روسیه آراسنده جریان ایتیمی لازم کان مذاکرات خصوصنده (طروچکی) علاقه دار حکومتلر آراسنده دوغروذن دوغرویه مناسباتده بولونلای طریقی کوسترمش و بویابده پترسبورغده بولومقده اولان دول اربعه قومیسینلری اشارت و توصیه ایتشدر . (م)

حقوق عائله قرارنامه سی مابعد

ماده : ۷۲ زوج خانه سنده غیر ممیز ولد صغیرندن بشقه اهل و اقاربی زوجه سنک رضای اولقسین اسکان ایدمن . زوجه دخی .

زوجی رضای اولمقده کندی اولاد و اقاربی برلکده اسکان ایلیمه من

ماده : ۷۳ زوج زوجه سیله حسن معاشرت زوجه دخی امور مباحده زوجنه اطاعته مجبوردر .

ماده : ۷۴ متعدد زوجیه ی اولان کیمسه اولنلر پیننده اجرایی عدالت و مساواته مجبوردر .

ماده : ۷۵ تقرب و قوعبولسون بولسون علی الاطلاق نکاه باطل ایله هنوز تقرب و قوعبولیمان نکاه فاسد اصلاحکم افاده ایتمز . بناء علیه پینلرنده نفقه ، مهر ، نسب ، عدت ، حرمت مصاهره و توارث کی نکاح صحیح احکامی ثابت اولماز .

ماده : ۷۶ نکاه فاسدده تقرب و قوعبولمش ایسه اشبو تقرب اوزرینه یالکیز مهر و عدت لازم و نسب و حرمت مصاهره ثابت اولور . فقط نفقه و توارث کی احکام ثابت اولماز .

ماده : ۷۷ علی الاطلاق نکاح باطل و فاسدده طرفینک زوجیت اوزره بقالری ممنوعدر . مفارقت ایتدکاری صورتده بالمحاکمه پینلری تفریق اولنور . فصل ثانی

عیسویلره ، متعلق نکاحک احکامنه متداژدر

ماده : ۷۸ نکاح فاسدی فسخ ایله طرفینی تفریق حکم ایچون دعوی شرطدر . بویابده حق دعوی منحصرأ زوجنه عائد اولوب سبب فساد اطلاع تاریخندن اعتباره برسنه مرورنده ساقط اولور .

ماده : ۷۹ ۶۴ نجی ماده موجبیه باطل اولان نکاح سبب بطلان بیلنمیهرک عقد ایدلمش ایسه اوندن متولد چوجق مشروع عد ایدیلر .